




太平御覽


五十三



内閣文庫	
番號	漢 1842
冊數	240 (53)
函號	別 14 1







御 卷第一百三十六

皇親部二

漢太史上昭靈后

高祖薄皇后

孝文竇皇后

孝武景王皇后

孝武衛皇后

孝昭趙太后

衛太子史淚后

高祖呂皇后

孝惠張皇后


孝景薄皇后

孝武陳皇后

孝武李皇后

孝昭上官皇后

史皇孫王悼后



孝宣王皇后

孝元皇后

孝宣許皇后

孝宣霍皇后

孝元傅皇后

信都馮皇后

孝成許皇后

孝成帝趙皇后

孝哀丁皇后

孝哀傅皇后

孝平母姬

孝平王皇后

漢太王昭靈后

詩含神霧曰含喬赤珠刻曰玉英生皇

刻刻鏤有玉英文也

後赤龍

感文媪劉季與

春秋掘成圖曰執嘉妻含始游維池赤珠出刻曰玉英吞

此者為王客以其年生劉季為漢皇

為王客者為王者所賓客

史記曰高祖母媪嘗息大澤之陂夢与神遇時雷霓晦宜

久太公往視則見蛟龍於上已而有娠遂產高祖

帝王世紀曰太上皇名執嘉妃曰媪為昭靈后

陳流風俗傳曰沛公起兵野戰喪皇妣于黃鄉天下平定

乃使使者以梓宮招魂於遊野於是丹蛇在水自洒濯

入于梓宮其浴處有遺髮故謚曰昭靈后黃鄉今小鄉樂也

高祖呂皇后

漢書曰高祖后呂皇后父呂公單父人也好相人高祖微時呂公見而異之乃以女妻高祖生惠帝魯元公主後漢王得定陶戚夫人愛幸生趙王如意呂后為人剛毅佐高祖帝定天下高祖崩惠帝立呂后為太后乃今永巷囚戚夫人髡鉗衣赭衣令舂戚夫人舂且歌曰子為王母為虜終日舂薄暮常与死為伍相離三十里當誰使告汝太后聞之大怒曰乃欲侍汝子邪乃召趙王欲誅之使者三反趙相周昌不遣太后召趙相亡至長安使人復召趙王王來惠帝慈仁和太后怒自迎趙王灞上入夾趙王与起居

飲食數月帝晨出射趙王不能早起太后伺其獨居使持鵠飲之迨帝還趙王死太后遂斷戚夫人手足去眼燠耳飲瘖藥使居鞠域中名曰人彘居數月召惠帝視人彘帝視而問知其戚夫人迺大哭因病歲餘不能起使人請太后曰此非人所為臣為太后子孫不能復治天下以皆飲為淫樂不聽政七年而崩立孝惠後宮子為帝太后臨朝稱制后治天下八年病大禍而崩

高祖薄皇后

漢書曰高祖薄姬文帝母也父吳人秦時与故魏王宗女

魏媼通生薄姬魏豹立為王而魏媼內其女於魏宮許負
相薄姬當天子曾參等虜魏王薄姬輸織室昭內後宮歲
餘不得幸始姬少時于管夫人趙子而相愛約曰先貴無
相安已而管趙免幸与漢王四年坐河南城臯靈臺此兩
美人侍与薄姬初時約漢王問其故兩人俱以實告漢曰
心悽然憐薄姬是日召欲幸之對曰昨暮夢龍扱妾曾上
曰是貴也徵吾為汝成之遂幸有娠歲中生文帝高帝幸
姬戚夫人之屬吕后怒皆幽之不有得出宮而薄姬以希
見出從子之伐代王為帝尊為皇太后

東觀漢記曰中元元年告祠高廟曰高皇吕后不宜配食
薄大姬慈仁孝文帝賢明子孫賴福延至于今宜配食地
祇高廟今上薄太后尊號為皇后迁吕太后于園

孝惠張皇后

漢書曰孝惠張皇后宣平侯敖女敖尚帝姊魯元公主有
又女惠帝即位吕太后欲為重親以公主女配帝為皇后
欲其生子萬方終無子廼使陽為有身取後宮美人子名
之殺其母立所名子為太子惠帝崩太子立為帝吕後崩
大臣正之以非孝惠子誅之孝惠后廢處北宮

孝文竇皇后

漢書曰孝文竇皇后景帝母也呂太后時以良家選入宮會太后出宮人以賜諸王各五人竇姬家在清河乃求其主者願歸清河而主者誤竇於代籍中竇姬泣涕而行及至伐代獨幸竇姬生子文帝立數月公卿請立太子竇姬為皇后景帝立為太皇后好皇帝老子言景帝及諸竇不得不讀老子以尊其術

孝景薄太后

漢書曰孝景薄太后薄太后家女也景帝立薄妃為皇后

無子無寵立六律薄太后崩皇后廢

孝景王皇后

漢書曰孝景王皇后武帝母也父仲魏里人初嫁為金王孫婦生一女矣而母藏兒卜筮曰兩女當貴欲倚兩女奪于金氏怒不肯与決乃太子宫太子幸愛之生三女一男方在身夢十日其懷中以告太子太子曰此貴微也景帝即位立為皇后男為太子景帝崩武帝即位為皇太后也

孝武陳皇后

漢書曰孝武陳皇后長公主嫖女也武帝得為太子長公

主有力取主女為妃及帝即位妃立為皇后擅寵驕貴十
餘年而無子聞衛大夫得幸幾死者數為上愈怒后又挾
婦人媚道頗尙元光五年上遂窮治之女子楚服等坐為
皇后巫蠱祠祭祝祖漢書武帝陳皇后退居長門宮司馬
相如長門賦序曰孝大逆無道相連及諸者三百餘人楚
武皇帝陳皇后得幸頗為妬別在長門愁悶悲思聞相如
天下工為文奉黃金百斤為相如文君取酒因于解悲愁
之乱而相如為頌以奏王上皇后復得親幸

孝武衛皇后

漢書曰孝武衛皇后字子夫生微賤為平陽主謳者武帝
即位數年無子平陽主求良家女子十餘人飾置家帝被
灑上被除也於灑水上自振還過平陽主見所侍美人帝不
悅飲謳者進帝獨悅子夫帝起更衣子夫侍尚衣軒中得
幸还坐听其賜平陽主金千斤主因奏子夫送入宮子夫
上車主拊其背曰行矣強飲勉之即貴願無相忘入宮歲
餘不復幸武帝擇宮人不中用者斥出之子夫得見泣涕
請出上憐之復幸遂有身尊寵元朔元年生男撫遂立為

皇后

撫即庚
太子也

孝武李皇后

漢書曰孝武李夫人本以倡進初夫人兄延平性之音善歌舞帝愛之每為新声曲聞者莫不感動延平侍上起武歌曰北方有佳人絕世而獨立一顧傾人城再顧傾人國寧知傾城傾國女弟上乃召見之實妙麗善舞由是得幸生一男是為昌邑哀王李夫人少而早卒上憐閔焉圖盈其形於其泉宮及御思后廢後四年武帝崩大將軍霍光綠上雅意以李夫人配食追上尊號曰孝武皇后初李夫人病篤上自臨候之夫人蒙被謝曰妾久病形貌毀壞不

可以見願帝以主及兄弟為託上曰夫人病甚大將不起一見屬託及主兄弟豈不快哉夫人曰婦人貌不脩飾不見君夫妾不敢以燕墮見帝上曰夫人若一見我將賜千金而與兄弟尊宮夫人曰尊宮在帝不在一見上復言欲必見之夫人遂轉向壁歛歔而不復言於是上不悅而趙夫人讓之曰貴人獨不可見上屬託兄弟耶何為恨上如此夫人曰所以不欲見帝者廼欲以深託兄弟也我以容貌之好得從微賤愛幸為上夫以色事人者色衰則愛絕愛則恩絕上所以事_上顧念我者廼以平生容貌也今見

我毀壞顏色非故必見且畏惡有吐弃我意尚肯復追思
憫錄其兄弟哉及夫人卒上以原礼葬焉

孝昭趙太后

史記曰鉤戈夫人姓趙氏河澗人也得幸武帝生子一人
即昭帝也武帝年七十乃生昭帝立時年五歲衛太子
廢上居甘泉宮召益工圖益周公負成王於是左右群臣
知武帝意欲立少子後數日帝譴責鉤戈大夫脫簪耳叩
頭帝曰引將去送掖庭獄夫人还顧帝曰趨行女不得活
夫人死雲陽宮曝風揚塵百姓感物死者夜持棺往葬之

封識其處其後帝聞追云問左右曰人言何云左右對曰
人言以為具立其子何為去其母乎帝曰然是非兒遭遇
人所知也往古國家所以乱也由主少母壯女主獨居驕
蹇淫乱自恣莫能禁也汝不聞后吕邪故諸為武帝生子
者無男女母莫不譴死豈可謂非聖賢哉

漢書曰孝武鉤戈趙婕妤家在河間武帝巡狩過河間望
氣者此言室有竒女天子氣使使召之既至兩手背拳上
自披之手即時申由是得幸號曰拳夫人進為婕妤鉤居
戈宮大有寵元始三年生昭帝號鉤戈子任身四月廼生

上曰聞昔堯十四月而生令鈞戈亦然迺命其生門曰堯
母門昭帝即位追尊為太后

漢武帝故事曰拳夫人進為婕妤居鈞戈宮解黃帝素女
之術從上至甘泉因幸告上曰妾相運正應為陛下生男
男七歲妾當死今年必死宮中多蠱氣必傷聖體年終而
卧遂卒既殯香聞十餘里因葬雲陵上哀悼又疑非常人
葬逐室棺无尸唯履存為起通靈臺於甘泉常有一青鳥
集臺上往來至宣帝時乃止

列女傳曰鈞翼夫人姓趙少好孝沉靜病卧六年右手拳
飲食少望氣云東方有貴人氣推而到姿色甚偉帝披其
手得一鈞而手尋拳生昭帝既而帝害之殯尸不臭而香
數月昭帝即位更葬之棺室但有衣履故名其宮曰鈞翼
後避諱改為戈

孝昭上宮皇后

漢書曰孝昭上官皇后隴西邽人祖父傑因材力親近為
侍中昭帝始立年八歲帝姊鄂邑長公主居禁中共養后
父安因主親近丁外人聞之長公主召入為婕妤月餘為
皇后甫六歲安以后父封侯後傑謀反衆覺後以少不預

謀亦以霍光外孫不廢宣帝位合葬平陵

衛太子史戾后

漢書曰衛太子史良娣宣帝祖也母太子有妃有良娣有孺子妻妾凡三等子皆稱皇孫史良娣生男進號史皇孫武帝未巫蠱事起衛太子及良娣史皇孫遭害

史皇孫王悼后

漢書曰史皇孫王夫人宣帝母也名翁須太始中得幸於史皇后皇孫妻妾無號位皆稱家人子皆坐誅莫有收葬者唯宣帝得全即尊位後追尊位母夫人謚曰悼后祖母

史良娣曰戾后皆改葬

孝宣許皇后

漢書曰孝宣許皇后元帝母也父廣漢昌邑人為暴室齋夫廣漢有女平君十四五當為內者令歐侯氏子婦臨當入門歐侯子死其母將行卜相言當大貴母獨喜張賀聞許齋夫有女乃置酒請之酒酣為言曾孫可妻也廣漢許諾明日姬聞之怒廣漢重令為謀介遂与曾孫及立為帝平君為婕妤是時霍將軍有小女与皇太后有親

漢書宣帝即位公卿議更立皇皆心議霍將軍女亦未有

言上乃詔求微時故劔大臣之旨白立許婕妤為皇后

孝宣霍皇后

漢書曰孝宣霍皇后光女也母顯既使女醫陰殺許后顯因為女成裾衣補治入宮

漢書曰孝宣許后起微賤登至尊從官車服世節儉五日一朝皇太后於長樂宮親奉茶上食以婦道供養及霍后立亦循許后故事而皇太后親霍后之姊子故常竦體敬而禮之皇后輿駕侍從甚盛賞賜官屬以千萬計許后時懸絕矣

孝宣王皇后

漢書曰孝宣王皇后父奉光少時好鬪鷄宣帝在人間數与奉光會相識奉光有父年十餘每遇適人所當適者輒死故久不行及宣帝即位召入後宮稱為婕妤霍皇后廢後上憐太子蚤失母幾為霍氏所害於是乃選後宮素謹朴而無子者遂立王婕妤為皇后令母養太子元帝即位為皇太后成帝即位為太皇太后時成帝母亦姓王氏故號太皇太后為邛城太后年七十餘崩

以后父奉光封邛城侯故號之

孝元王皇后

漢書曰孝元王皇后王莽之枯也王賀字翁孺為武帝繡

衣御史逮補魏郡盜皆縱不誅以奉使不稱免歡曰吾聞

活千人者有封吾所活者萬餘人後世其興乎翁孫既免

而于東平陵終氏為怨迺徒魏郡元城委粟里為三老魏

郡人德之元城建公曰元城縣建公姓名也昔春秋沙麓崩晉史卜

之曰陰為陽雄土火相乘毛龜縣文陰元后陽漢也王氏爰後土也漢火故曰土文火相

乘陰盛而麓崩故有沙麓崩後六百四十五年宜有圣女與其齊

由乎今王翁孺徒正值其地日月當之元城郭東有五麓

之墟即沙麓地也後八十年有貴女與天下云翁孺生禁

字雅君禁生女政君即元后也初母李親姓政君在身夢

月入其懷反壯大婉順得婦人道常許嫁未行所許者死

後東平王嫂政君為姬未入王夢禁獨恠之使卜數者相

政君當大貴不可言禁心以為然乃教書學鼓琴五風中

獻政君年十八矣入掖庭為家人子皇后擇後宮可以娛

侍太子者君与在其中及太子朝太皇后迺見政君等五

人徵令旁長御問知太子所欲太子珠無意於五人者不

得已於皇后強應曰此中一人可是時政君坐近太子又

獨衣絳綠遂送政君於太子宫見内殿得御幸有娠甘露

三年生成帝於甲館畫堂為世嫡皇孫宣帝崩太子即位
是為孝元皇后立太孫為太子以母王妃為皇后哀帝即
位太皇太后哀帝崩無子以莽為大司馬共徵立中山王
奉哀帝後是為平帝年九歲常彼病太皇太后臨朝漢傳
國璽以孺子未立璽藏長樂宮及莽即位請璽太后不肯
以授莽莽使安陽侯舜論旨舜素謹飭太后雅愛信之舜
既見太后知其為莽求璽怒罵之曰而屬父子宗族蒙漢
家力富貴累代既無以報受人寄托乘使利時奪取其國
不復顧人如此者狗猪不食其餘天下豈有而况

第耶且若是以金匱符命為新皇帝變更正朔服制亦當
自更作璽傳之萬世何以用此亡國不祥璽為欲求之我
漢家老寡婦旦暮死欲于此璽俱葬終不可得太后因泣
涕莽欲脅之迺出璽投之地莽改號太后為室文母絕於
漢太后年八十四建國五年二月癸丑崩三月乙酉合葬
謂陵

孝元傳皇后

漢書曰孝元傳昭儀哀帝祖母也父河內溫人昭儀少為
上官太后才人自元帝為

漢書曰孝元傅皇后帝即位婕妤其有寵為人有才下至宮人左右飲酒酌背祝延之

信都馮太后

漢書曰孝元馮昭儀平帝祖母也元帝即位二年以選入後宮就館生男拜為婕妤內寵于傅昭儀等婕妤始中上漢書曰元帝建始中幸虎圈聞獸後宮皆坐熊伏出圈攀檻欲上殿左右貴人傅昭儀等皆驚走馮婕妤直前當熊而立左右格熊上問人情驚懼何故前當熊婕妤對曰妾聞猛獸得人而止妾恐熊至御坐故以身當之元帝嗟嘆

以此倍敬重焉

孝成許皇后

漢書曰孝成許皇后平恩侯嘉女元帝悼傷母恭哀后居位日淺而遭霍氏之幸故選嘉女以配皇太子侍送者还白太子忻說狀元帝喜謂左右酌酒賀我左右皆稱萬歲之久及成帝即位立許妃為皇后后聰慧善皮書自為妃至即帝位常寵於上後宮稀得進見久之皇后寵亦益衰而後宮多新愛姊平安侯夫人謁等為媚道祝祖後宮有娠者太后大怒下吏考問謁等誅死許后坐廢處昭臺宮

孝成帝趙皇后

漢書曰孝成趙皇后本長安宮人初屬陽河主家學歌舞
號曰飛鸞成帝常微行出過河陽主作樂上見飛鸞而說
之入宮大幸有女弟復召入俱為婕妤貴傾後宮父臨
漢書曰孝哀傳皇后定陶傅太后弟子也哀帝為定陶王
時傅太后欲重親取以配王莽白太后令孝哀皇后退就
桂宮後月餘復与孝成趙皇后俱廢為庶人就其園自殺

孝平母衛姬

漢書曰中山衛姬平帝母也父曰子豪子豪女弟為宣帝
婕妤生楚孝王長女入為元帝婕妤生平陽公主成帝時
中山孝王無子上以衛氏吉祥以子豪少女配孝王生平
帝平帝年二歲孝王薨代為王哀帝崩無嗣太皇太后与
莽迎中山王立為帝莽欲顛國權衛姬及外家不當得至
京師乃賜衛姬璽綬即拜為中山王后莽長子宇非莽隔
絕衛氏日夜啼泣思見帝而但益戶邑宇復殺令上書求
至京師會事發覺莽殺宇盡誅衛氏支屬莽篡國廢為家
人後歲餘卒葬孝王旁

孝平王皇后

漢書曰孝平王皇后莽女也莽欲依霍光故事以女配帝
帝崩莽立孝宣帝玄孫嬰為孺莽即真以嬰為定安公王
皇后太后號為定安公太后時年十八為人婉嫕有節操
自劉氏廢常稱疾不朝會莽敬憚傷哀欲嫁之廼號為皇
室主令立國將軍成新公孫建世子豫飾將醫往問疾后
大怒答為咸陽侯後月餘乃立婕妤為皇后後寵以衰而
弟絕幸為昭儀居昭儀舍其中庭彤朱而殿上懸漆切皆
銅沓冒黃塗白玉階壁帶往上為黃金釭函謂壁中
之橫帶承藍
田璧明珠翠羽飾之自後宮未嘗有焉

孝哀丁太后

漢書曰定陶丁姬哀帝母也河平四年生哀帝丁姬為太
后建平三年丁太后崩起陵恭皇之園王莽秉政乃奏貶
傳太后號曰定陶恭王母丁太后號曰丁姬元始五年莽
復奏恭王母及丁姬葬渭陵冢高与元山齊禮有改葬謂
發王母及丁姬冢徒歸定陶太后以為既已之事不須發
莽固爭之太后詔曰因故棺為致樽作冢祠以太牢既葬
傳太后冢崩壓殺百人開丁姬樽尸火出炎四五丈吏卒
以水沃滅乃得入燒燔樽中器物莽復奏言前恭王母生

僭居桂宮皇天震怒炎其正殿丁姬死葬踰制度今炎焚其棺此天變以告當改如勝妾也共王母及丁姬槨棺皆名梓宮珠玉之衣非藩妾服請更以木槨代去珠玉葬丁姬勝妾之禮奏可既開傳太后棺臭聞數里掘平恭王母丁姬故冢二旬間平莽又周棘其處以為時戒云時有群鷲數千御土投冢中

孝哀傳皇后

鞭其旁侍御因發病不肯起莽遂不敢強也及漢兵誅莽焚燒未央宮后曰何面目以見漢家自投火中而死

太平御覽卷第一百三十六

太平御覽卷第一百三十七

皇親部三

東漢

光武郭皇后

光武陰皇后

孝明馬皇后

孝章賈貴人

孝章竇皇后

孝章梁皇后

孝隱宋皇后

孝和陰皇后

孝和鄧皇后

孝德左皇后

孝安閻皇后

孝安李皇后

孝順梁皇后

孝冲母虞貴人

孝質母陳妃

孝崇母皇后

孝桓梁皇后

孝桓鄧皇后

孝桓竇皇后

孝仁董皇后

孝靈宋皇后

孝靈何皇后

孝靈王皇后

孝獻伏皇后

孝獻曹皇后

光武郭皇后

續漢書曰光武郭皇后貞定豪人也安陽思侯昌女曰至通世祖至貞定納至通有寵世祖即位至通為貴人建武元年生皇子強二年貴人立為皇后強為太子是後后寵衰數懷怨懟廢二十八年薨葬北陵

光武陰皇后

續漢書曰光武光烈陰皇后南陽新野人名麗華宣思衰侯陸女也陸卒後女年十九允識嫁于世祖納后於苑當成里以后性寬仁宜母天下欲授以尊位后輒退讓自陳不足以當男為東海王十年郭皇后立為皇后十九年太

子強廢東海王為太子

東觀漢記曰上微時過新野聞后美心悅之後至長安執金吾車騎甚盛因歡曰仕宦當作執金吾娶妻當得陰麗華更始元年遂納后於苑

孝明馬皇后

續漢書曰孝明明德馬皇后伏波將軍新恩侯援之女后年七歲幹治家事勅制僮御出入授計一以買之諸家莫如其母不知其家事独后所為也後聞之咸驚異焉母嘗使善卜者相后曰此女必當大貴遂為帝王妃然而少子

建武二十八年年十三以選入太子宮接時同列如承至尊先入後已祭於至誠由是見寵永平三年春有司奏請立長秋宮以帥八妾上未有所言皇太后曰馬夫人德冠後宮即其人也遂登后位身衣大帛御者禿裙不緣性不喜遊顧未嘗臨御牕牖又不好音樂上時幸苑囿離宮以故希從輒誠言不宜晨起因陳風邪霧露之誠辭意甚備上納焉誦易經習詩論春秋略記大義讀楚辭尤善賦頌疾其浮華聽論輒摘其要讀光武皇帝紀至有獻千里馬寶劍者上以馬駕鼓車劍賜騎士手不持珠玉后未嘗不

歡息也時有楚獄囚證相引繫者甚多后慮其多濫承問
為上言之上惻然感動於是上夜起彷徨思論所納非臣
下所得聞后志在克己奉上不以私家奸朝廷况為虎賁
郎中將兩弟黃門即訖永平世不遷明帝体不安召黃門
防奉參醫藥夙夜勤劳帝崩后作起居注省去防參醫藥
事章帝即位后為皇太后下詔告三輔二千石無得馬氏
婚親因權託屬奸乱吏治犯者正法以聞太后素自喜儉
前過濯龍門上見外家問起居車如流水馬如龍蒼頭衣
緣構直領領袖正白頤視旁御者遠不及也亦不譴怒但

統其歲用冀以嘿止諠耳於是親戚被服如一政教不嚴
而從以躬率先之故也置織室蚕於濯龍中數往來觀視
內以娛樂外以先女功太后崩合葬顯節陵

東觀漢記曰后長七尺二寸青白色方口羨髮為四起大
髻但以髮成尚有餘統結三匝復出諸髮眉不施黛獨左
眉角小缺補之如粟后素謹慎小感慨輒自貴如平生舅
姑時新平主家御者夫大及北閣後殿深以自過起居不
忻至正月當上厚陵言我守備不精慙見原陵不上
陳思王盡讚序曰昔明德馬后美於色厚於德帝用嘉之

嘗從觀盡虞舜見娥皇女英帝指之戲曰恨不知此為妃
又前見陶唐之象后指克曰嗟乎群君百僚恨不戴君如
是帝觀而嘆

孝章母賈貴人

續漢書曰孝明賈貴人南陽人明德馬后之姨女孝皇帝
之母也初選入後宮為貴人生章帝馬后無子帝既生而
馬后母養之明帝謂馬后曰未必當月生子也但患養之
不勤愛之不至耳若能愛如己子則孝敬亦如親生矣於
是馬后待章帝過於所生帝感養育之恩遂專名馬氏為

外家故賈貴人家不蒙旧氏之寵

孝章竇皇后

續漢書曰孝章章德竇皇后古扶風平陵人竇勳之女后
生二歲呼卜相工見后皆言大貴有容貌才熊母此陽公
主欲內之帝聞后有才色數以問諸家建初二年后丐女
弟隨主入見長樂宮進止得適人事脩備奉事長樂宮下
至侍銜宮獻問遺皆得忻心太后異之亦可焉入掖庭見
北宮章德殿后性敏給稱譽日聞太后亦緣意明年有司
請立長秋宮遂立為后有寵專固後宮先是宋貴人生太

子慶梁貴人生和帝后心忌害之背誣以挾邪媚道後以
憂卒

孝章梁皇后

續漢書曰孝章恭懷梁皇后安定烏氏人也父竦建初中
以女二人選入宮有寵其弟產孝和皇帝竡后母養隔絕
梁代初和帝生竦兄弟不蒙作喜竊私相賀語言漏泄傳
聞竡后惡之遂作蜚語誣陷以惡詔書傳老竦死漢陽獄
家屬徙九貢二貴人以憂薨永元九年竡太后崩竦長女
嫫上書自陳上遂見嫫泣涕問訊賞賜舍弟財物以二貴人

葬有關改殯之于承光宮小貴人尊號曰皇后与姨貴人
合葬于西陵上謚曰恭懷皇后儀比敬園追爵謚竦為褒
親愍侯徵還竦家屬

敬隱宋皇后

續漢書曰敬隱宋皇后古扶風平陵人當陽穆侯揚之女也
兩女皆有才能令色永平末選入宮配皇太子皆寵明帝
崩太子即位是為章帝姊妹並為貴人建初三年小貴人
生皇子慶二歲立為皇太子後竡后幸廢為清河王至永
九年竡后崩清河王上書求上貴人家又為外祖母求諸

洛陽治病詔書聽之殤帝崩清河王子立是為安帝鄧太后崩安帝追尊小貴人曰敬隱后

孝和陰皇后

續漢書曰孝和陰皇后吳房侯綢之女也后為人聽之有才能永四十選入掖庭為貴人以託光后近屬故有異寵立為皇后自熹鄧后入宮後陰后寵衰怨恨后外母鄧朱數出入后所有言与朱共挾蠱賜后策遷于桐宮憂死葬臨平亭部

孝和鄧皇后

曹大家附

續漢書曰孝和和熹鄧皇后太傅高密侯禹之孫平壽敬侯訓之女也訓有五男三女長隲次京悝弘閭女燕次綏綏即后也次容早卒有子女娥甫在襁褓時后年十二傷娥早孤養視撫育慈恩深至后七歲讀論語十二通詩諸凡讀經輒難問徵意志在書傳母非之曰當習女工以供衣服今不是務汝當舉博士耶后重違母意則縫紵極女工事暮夜私買脂燭讀經傳宗族內外皆號曰諸生訓心異之永元四年呼相工蘇太相后大驚曰此成湯之骨法貴不可言七年中復与諸家女俱選入宮姿窈窕進退辭

令粲然有異于衆女殊八年十一月己卯后入掖庭為貴
人諸兄除郎中侯時年十六德員後宮后性恭肅小心承
事陰氏夙夜兢接撫同列常尅己下之上深焉喜遂有德
寵后自入宮遂博覽五經傳記圖識內事風雨占候老子
孟子禮記月令法言不觀浮華申韓之書上每欲官秩后
諸兄弟輒為推護孝和世隲裁虎賁中郎將京惺弘閭黃
門郎和帝未崩是數失皇子皇子生養於民間群僚無知
者及和帝崩是日愴卒上下憂惶后乃收欽皇子皇子勝
長有微疾殤帝生百餘日后欲自養長立為皇子其夜即

位尊皇后為皇太后帝襁褓皇太后臨朝建元元年三月
太后崩丙午合葬順陵

東觀漢記曰后年五歲太夫人為剪髮夫人年老目賞并
中后額雖庸忍不言一額尺傷左右恠而問之后言夫人
哀我為斷髮難傷老人意故忍之耳及為太后時中宮亡
大珠一筐太后念欲下掖庭巧問之恐有無辜僵仆者乃
親臨見宮人閱問動察顏色開示恩信宮人即時首服不
加鞭笞不敢隱情宮人驚咸稱神明

後漢書曰扶風曹世叔妻者同郡班彪之女也名昭字惠
班一名姬博學高才世叔早卒有節行法度凡固著漢書
其七表及天文志未及竟和詔就東觀藏書閣踵而成之
帝數召之宮令皇后諸貴人師事焉號曰大家每有貢獻
異物輒詔大家作賦頌及鄧太后臨朝預問政事作女誡
七篇年七十餘奉皇太后素服奉哀使者監讓喪事所著
賦頌銘誅論疏凡十六篇子婦丁氏為撰集之又作大家
讚焉

孝德左皇后

續漢書曰孝德左皇后安帝母也父仲躬健為武陽人后
兄聖伯為妖言伏誅父母同產皆沒官后長掖庭有令色
賜清河王王大悅特親幸自姬妾已下莫能与之六年生
男為清河太子卒葬當利庭延平元年殤帝崩清河太子
為皇帝尊清河孝王曰孝德皇帝左姬曰孝德皇后

孝安閻皇后

續漢書曰孝安安思閻皇后河南雲陽人侍中長水校尉
暢之女也有才能令色立為皇后安帝崩閻后皇太后子
凡顯定策禁中立濟北王少子北鄉侯為皇帝奏後以其

年少欲久專政於是太后攝政永建九年崩謚安思后合葬恭陵

孝安李皇后

續漢書曰孝安恭愍李皇后以宮人侍上見幸生順帝為閹后所妬見鳩物故瘞葬城北帝即位左右以間更以禮殯永元十一年葬北陵謚曰愍皇后

孝順梁皇后

續漢書曰梁皇后大將軍商女后有光景之祥及長聰獻仰承兄姊俯接弟姊恩情周悉女工之功尤好史書學問

之事九歲能誦孝經論語遂治韓詩大義略舉女傳列圖常在左右宗族中外咸敬異焉選入掖庭相工茅通見之大驚曰此所謂日角姬月相之極貴臣所未嘗見於此以為貴人恩寵日崇乃白上曰陽少博施為德陰以不專為義蓋詩人螽斯之福則百斯男之祚所由也願陛下思天行之普逮均買魚之次序使小妾得免罪謗之累於是上愈善之益親固為陽嘉元年立為皇后冲帝在襁褓太后攝政平和元年崩群臣奏謚曰順列皇后合葬憲陵

孝冲母虞貴人

續漢書曰孝順虞大家孝冲皇帝母也遭冲質仍天政在
梁氏故于質帝母俱仰而無號嘉平四年小黄門趙祐議
即畢正言上孝冲皇帝母虞大家質皇帝母渤海陳夫人
皆誕生聖帝未有稱號今遭盛明當以母氏序載外戚朝
廷之恩臣子極賤尚有追贈况二母見存而徒曰大家夫
人非所示後進母以子貴之義上感其言即日拜大家為
貴人使中常侍持節就園授印綬

孝順母陳妃

續漢書曰樂安陳夫人孝質皇帝母也家本魏郡少以伎

入孝王宮得幸生質帝梁冀欲專國權令帝母不得至京
都入帝短祚是以外家無他寵靈帝拜夫人為孝王妃

孝崇屢皇后

續漢書曰蠡吾博園匱貴人者桓皇帝母也上年十四襲
父蠡吾侯冀爵即帝立追尊父為崇皇陵曰博陵匱夫人
為崇園貴人和平元年有司上言為孝崇皇后即授印綬
宮曰永樂

孝桓梁皇后

續漢書曰孝桓懿獻皇后順烈后之女弟也字女營上始

即位備禮儀納綵案舊令媵后納綵乘馬束帛如孝惠孝
平故事嫂后黃金二萬斤永初四年立為皇帝后時太后
秉政皇后擅寵後宮太子崩後后恩稍衰後宮妊孕若產
皇子后輒隨嫉害少有得全育者然終身亦無子後見御
轉希至延熹二年以憂恙崩葬懿陵

孝桓鄧皇后

續漢書曰孝桓鄧皇后字猛女母宣本微初適郎中鄧香
生后後適梁紀故君冒姓梁氏上誅后无冀苻立猛女為
皇后惡姓之同改姓亳氏復姓鄧氏后特尊驕忌与上所

幸郭貴人更相讚麻之凡立七年以憂死葬於北邙

孝桓竇皇后

續漢書曰孝桓鄧皇后章帝竇后之族孫大將軍武之女
也孝靈皇帝尊皇后為皇太后臨朝武以宦者放縱日久
謀悉誅除麻其宦上欲獲中節下副論者數入禁中進白
太后太后以為此皆天所生漢元以來世世用事國典常
故何可麻也但當誅惡耳中事常管霸頗聞其語結誅謀
武武自殺太后歸長樂宮嘉平元年六月崩合葬宣陵

孝仁董皇后

續漢書曰河間慎園董貴人孝靈皇帝母也靈帝即皇帝位追尊父長為孝仁皇帝陵曰慎陵董太夫人曰慎園貴人及竇太后歸政還長樂宮迎貴人到京都奉璽綬上尊號為孝仁皇后稱永樂宮竇太后崩後永樂后數至前省与上相与於政事中平六年上弃天下永樂后兄子重為驃騎將軍何太后臨朝重与太后兄大將軍進權勢相害后每欲参于政事太后輒相禁塞后憤恚嗔罵曰汝欲帖大將軍耶勅驃騎斬大將軍頭来何太子以告進進取收重免官爵重自殺后憂怖病還河間崩合葬慎陵

孝靈宋皇后

續漢書曰孝靈宋皇后帝敬宋貴人之從孫執金吾鄴之女無寵而久正位後宮幸姬衆共讚惡誣以祝祖上信之遂策收璽綬后自致暴室獄以憂死父兄弟皆被誅諸常侍少黃門在省闈者皆隣宋氏無辜共合錢收葬后及鄴父子於闕門亭宋氏舊塋

孝靈何皇后

續漢書曰孝靈靈思何皇后南陽宛人也以良家女選入掖庭見幸妊身就館生男為貴人父真前卒召貴人同父

凡何進為郎中靈帝崩何皇后子辯立為皇帝后為皇太后進為錄尚書袁紹謀誅廢中官進以詔計白太后后不
听以為中官統領禁省自古及今漢家故事不可廢也且
先帝新弃天下奈何令我楚楚与仕人共事乎及董卓屯
顯陽議以為太后迫永樂后令崩逆婦姑之節遷太后於
同宮太后暴崩群臣奏謚曰靈思皇后合葬文陵

孝靈皇后

續漢書曰孝獻伏皇后琅邪東武人侍中輔國將軍不其
侯完女也后会計以良家子應法相選入掖庭光和三年

中夏幸妊身怖畏何皇后服藥欲除妊胎不安動又后數
夢貞日遂不敢搖四年三月癸巳生庚子渴飲米粥遂暴
夢上歸掖庭暴室嗇天來直擁養獨擇乳母歲餘永樂后
自將護至三歲靈帝閔王早失所生追思后令美乃作追
德賦令儀頌陵曰文昭陵起墳文陵園北

孝獻伏皇后

續漢書曰孝獻伏皇后琅邪東武人侍中輔國將軍不其
侯完女也后坐與父兄謀為姦書新詐罔不道上收后不
暴室詔獄憂死兄弟皆伏誅

張璠漢記曰曹操入其二女於宮為貴人誣伏氏為亂使御史大夫郝慮伏節收后后被髮徒號走而執上手曰不能復相活耶上大驚號哭曰我亦不如命在何時願謂慮曰郝公天下暴虐豈有此乎左右莫不流涕遂殺也曹瞞別傳曰公遣華歆勒寘收后后閉戶匿壁中歆攘戶廝壁牽后出

孝獻曹皇后

續漢書曰孝獻曹后丞相魏王操女也憲建安十八年上納操二女憲節於後宮皆以為貴人明年伏后薨憲為皇

后二十一年獻帝禪位於魏憲拜山公夫人

太平御覽卷第一百三十七

太平御覽卷第一百三十八

皇親部四

魏武皇后

文甄皇后

文郭皇后

明毛皇后

明郭皇后

晉宣穆張皇后

景懷夏侯皇后

文明王皇后

武光揚皇后

武悼揚皇后

惠賈皇后

惠羊皇后

謝夫人

懷王太后

懷梁太后

元帝夏侯太妃

虞皇后 荀氏附

明帝庾皇后

成恭社皇后

康帝諸皇后

簡文鄭皇后

孝武李皇后

王皇后

安帝陳太后

恭帝諸皇后

魏武宣卞皇后

魏志曰武宣卞皇后琅邪人帝母也本倡家年二十太祖
 於譙納后為妾後隨太祖至洛及董卓為亂太祖微服東
 避難袁術傳太祖凶問時太祖左右在洛者皆歸止之曰
 曹君吉凶未定未可知今日還家明日若在何面目復相
 見也正使禍未共死何苦遂從后言太祖聞而喜之建安
 初丁夫人廢遂以后為繼室諸子無母者太祖皆命后養
 之又帝為太子左右長御賀后曰將軍拜太子天下莫不
 欣喜賞傾府歲賞賜后曰正自以丕年大故用為嗣我但
 當以免無教導之過為幸甚耳亦何當賜遺乎長御還見

以語太祖祖悅曰怒不變容喜不改節是最為難二十四
年拜為王皇后文帝踐祚尊后曰太祖稱永壽宮
魏書曰以漢延熹二年生齊羣白亭有黃氣滿室移日父
敬侯恠之以問卜者王旦曰此吉祥也為太后見外親
不假以顏色常言居處當務節儉不當望賞賜念自勉也
帝為太后弟秉起弟及成太后幸弟請諸家外親設下厨
無異膳太后左右菜食粟飯無魚肉其儉如此

文甄皇后

魏志 人昭甄皇后中山無極人明帝母父逸上蔡令后

三歲夫父天下兵亂加以飢饉百姓皆賣金銀珠玉寶
物時后家大有儲穀頗以買之后年十餘歲白母曰世今
亂多買賣物匹夫無罪懷避為罪又左右皆飢乏不如以
穀賑給親族隣里廣為恩惠也舉家稱善即從古言建安
中袁紹為中子熙納后冀州平文帝納后於鄴有寵生明
帝郭后李陰貴人並愛幸后愈失意有怨言帝大怒遣使
賜死葬于鄴明帝即位有司奏請追謚又別立寢廟太和
元年封逸謚曰敬侯適孫像襲爵初營宗廟掘地得玉璽
方一寸九分其文曰天子羨思慈親明帝為之改容以太

牢告廟又嘗夢見后於是舅氏親踈高下叙用各有差賞
賜累巨萬

魏書曰甄后每寢寐家中髣髴見人持玉衣履其上者常
共恠之相公刘良相曰此語貴乃不得可言后自少至長
不好戲弄年八歲外有立騎戲馬者家人諸姊皆上閣觀
之后獨不行年九歲喜書視字輒織數用諸兄筆硯兄謂
后言汝當作女博士耶后荅言聞古者賢女未有不覽前
世成敗以為己誠不知書何由見之及為皇后寵愈隆而
弥挹損每因閉晏常言昔黃帝子孫蕃育盖由妾媵衆多

獲斯可謂黃求淑綏以豐繼嗣帝心喜焉

文郭皇后

魏志曰文德郭皇后安平廣宗人也祖世長吏后少而父
永奇之曰乃五女中王也遂以女王為字早失二親喪乱
流離没在銅鞮侯家太祖為魏公時得入東宮后有智數
時有所獻納文帝定為嗣后有謀焉太子即王位后為夫
人及踐祚為貴嬪甄后之死由后之寵也遂立為后黃初
五年帝東征后畱許昌永始臺時霖雨百餘日城樓多壞
有司奏請移止后曰昔楚昭王出遊貞姜留漸臺江水至

使者迎而無符不去卒沒今帝在遠吾幸未有是患便移
止奈何明帝即位尊后為皇太后稱永安宮

明帝毛皇后

魏志曰明帝悼毛皇后河內人以選入東宮明帝時為平
原王進御有寵出入輿輦及即位立為皇后初明帝為王
始納河內虞氏為妃帝即位虞氏不得立下太后慰免焉
虞氏曰曹氏好立賤未有能以義奉者也嘉本典車工卒
暴富貴奉動甚駭侯措切語輒自稱侯身人以為笑帝之幸
郭皇后也后愛寵曰襄景初元年帝遊後園召才人以上

宴樂左右宜延皇帝不許乃禁左右使不得宣后知之明
日帝見后后曰昨日遊宴北園樂乎帝以左右泄之所殺
十餘人賜后死然猶加謚死愍陵

明帝郭皇后

魏志曰明帝郭皇后西平人也世河右大族黃初中本郡
反叛遂沒入官明帝即位甚見愛幸拜為夫人帝疾因遂
立為皇后齊王即位尊后曰太皇后稱永寧宮祖三主幼
弱宰輔親政于奪大事皆見惑太后然後施行母立儉鍾
會等假其命以為亂焉景元四年崩

晉宣穆張皇后

晉書曰宣穆皇后張氏諱春華高祖同郡人也母河內山氏司徒濤之從祖姑也后少有德行智識初高祖亂仕以風痺不能起居曝書遇雨高祖起收書家唯一婢見之后懼言語泄漏乃手殺之而自執爨馬帝由是重之其從栢夫人有寵后罕見進見帝常卧疾后往省病帝曰老物可惜何煩出也后慙恚不食將自殺諸子亦不食帝驚而致謝后乃止退而謂人曰老物不足惜慮因我好見耳魏正始八年崩武帝受禪追尊為太后

景懷夏侯皇后

晉書曰景懷夏侯皇后沛國譙人也父尚魏征南大將軍母曹氏魏德陽鄉主后雅有識度帝每有所為必預籌畫魏世宣帝居上將之中諸子並有雄才大畧后知帝非為之純臣而后既魏氏之甥帝深忌之青龍三年以鳩崩武帝登祚始加號謚

文明王皇后

王隱晉書曰文明皇后王肅女秉德清真体行純和八歲誦詩論特精喪服荀有文義過目則識祖司徒即異之曰

與吾家者必此女矣惜不為男每居大喪帝身不勝衣年
及鍾會見任信於文帝曰會好為事端寵過必弊大始元
年尊曰皇后宮曰崇文自即尊位春戀素業忽弃華麗四
年夢晉書曰后諱元姬年十二祖即夢后哀戚哭泣奔於
自然其父益加敬異說筭歸于文帝生武帝

武元楊皇后

晉書曰揚元后父炳言后相貴故常為武帝娶之生惠帝
武帝疑惠帝不堪奉大統密以語后后曰立嫡以長不以
賢豈可動手帝採諸葛冲等五十人入殿呈露面帝衣令

后選取后不取端正唯取長曰時下藩女有美色帝奉扇
鄣面語后曰藩女可后曰藩三世皇后不宜枉以早位其
中者以絳紗擊臂遂取胡芳啼哭左右曰陛下問声芳曰
死且不畏何畏陛下帝壯其言父奪聞女女亦哭曰老奴
不死唯有二兒男在九地之下女在九天之上帝拜芳為
貴嬪元后疾甚見上繫敬胡夫人恐立之又慮太子不安
臨終枕帝勝曰從妹男消有德色不足覆娶異姓帝許之
崩于明光殿

武悼楊皇后

晉氏后妃列傳曰后諱芷字季蘭小字男消武帝繼室也
太傅楊駿女咸寧二年即后位音才色暗椒房寵礼尤
隆后無子賈庶人為太子妃時數以肆情忌疾失帝意帝
慮始終之事欲廢焉妃陳請曰賈公有勲於王府猶將數
世宥之况賈妃親則其子夫妬忌亦婦人之帝事不足以
事而忌大德帝納焉是駕享曰皇太后賈庶人五日一朝
后既喪所天常有蹙容庶人謂不悅在己愈自嫌及星辰
有變占於母家不利殿中典兵中郎孟觀等遂進勸庶人
先唱者有福後發者受禍庶人遂陷誅后父駿三族及內
外親屬迁于嘉寧宮賈庶人尋諷百僚奏太后廢為庶人
母癯竹廷尉行形詔初欲宥之卒不可事奏太后截髮稽
顙稱以請母於賈庶人而寵遂見形后不勝憂哀崩于幽
居春秋三十有四謚曰武悼皇后

晉後略曰賈后既殺楊庶人於金牖城又信妖至謂人既
死必訴怨於宣帝乃覆而殯之施諸厭劾符書藥物以合
瘞之

惠帝賈皇后

王隱晉書曰后諱南風武帝謀太子婚不次上欲取衛瑾

女元后欲娶克女上曰衛女有五可賈女有五不可衛家
種賢而多子端正長曰賈女種妬少子醜而短黑郭槐多
輸宝物於后遂娶南風八年將納妃帝知太子不恚故試
之及召東宮官屬作飲食而密封詔使太子決亭信待之
賈妃大懼詔人吞詔草給使張泓曰太子不學而吞詔引
義必貴草主更益遺負不如直以意吞妃大喜語泓便為
我好吞得富貴与汝共之泓素有小才具草令太子自寫
武帝大喜賈妃酷妬手殺數人或以力戟擲孕妾子乃隨
地上大怒治金墉城將廢之趙粲荀勗深救之故不廢洛

陽慰部小吏忽有好物慰疑為盜召誥之賈后踈親欲求
盜物往聽對辭云先行逢一老嫗說家有疾師卜當得城
南年少厭塞暫相煩尋重報小吏從之上車下惟內看廉
箱中行十餘里過六七門開簾忽見樓閣好屋問此何處
云天上即以香湯見浴好衣美食將入見一婦人年三十
五六短小青黑色眉後有疵見番數日共宿得此衆物賈
氏親踈聞其形狀如是賈后慙而去慰亦解意云時他人
多殺之不出唯此小吏以愛得出賈后詐有身內蒿物為
產遂取妹婦韓壽兒託京諒闇所生故弗顯賈庶人臨廢

遙帝曰陛下有婦使人麻之亦當自麻詔賜死

沈約宋書曰齊王冏入麻后后驚曰卿何為來冏者有詔收后后曰詔當從我出何詔也又問曰誰起事冏曰梁趙后歎曰繫狗當繫其頸今反繫其尾何得不然

晉後略曰載賈后以廉車出承明東掖東門詣金墉城食金屑而死

羊皇后

臧氏晉書曰惠羊皇后諱獻容太山南城人也父玄之字弘猷永康元年立為皇后將入宮衣中有火永興元年河

間王顥使將張方廢治於金墉城七月陳旼等唱伐成都王復后位八月張方又廢后十一月張方逼迁大駕幸長安留臺復后位永興二年張方又廢后河間王顥矯詔賜后死劉暉他是切等上表后得免帝还洛迎復后位後洛陽令何喬又廢后懷帝即位尊后為惠皇后居弘訓宮洛陽敗没于劉曜七僭位以為皇后因問曰朕何如司馬家兒后曰胡可並焉陛下開塞之聖主彼亡國之暗夫有一婦一子及身三耳不能庇之責為帝王而妻之辱於凡庶之手妾爾時實不思生何圖復有今日妾生於高門嘗謂世

間男子皆然自奉中櫛已來始知天下有丈夫耳曜甚愛寵之生二子而死為謚獻文皇后

謝夫人附

晉書曰謝夫人名玖本貧賤父以屠羊為業玖清惠真正而有淑姿選入後庭為才人惠帝在東宮將納妃武帝慮太子未如惟房之事乃遣玖往東宮時寢由是得幸有身賈后忌知求還西宮遂生愍懷乃立為太子拜玖為淑媛及愍懷遇醜玖亦被害焉永康初詔改葬太子因贈玖夫人印綬葬顯平陵

懷王太后

藏氏晉書曰懷王皇太后諱姬初入武帝宮拜中才人早崩懷帝即位追尊號曰皇太后

梁皇后

藏氏晉書曰梁皇后諱蘭壁安定人也祖鴻季儀同三司父芬司徒后初為豫章王妃懷帝即位為皇后永嘉中沒胡賊

元帝夏侯太妃

晉書曰夏侯太妃光姬沛國譙人也父莊淮南太守妃生

自華宗幼而明慧琅琊武王為世子覲納焉生元帝元帝
立稱王妃永嘉元年薨於江左葬琅琊國初有識云銅馬
入海建業期大妃小字銅環而元帝中興於江左矣

元敬虞皇后 苟未附

晉書元敬虞皇后諱孟母濟陽外黃人交豫元年為琅琊
王納后為妃無子永嘉六年薨大興三年冊贈皇后璽祔
子太崩

晉書曰豫章君苟氏元帝宮人也初有寵生明帝及琅琊
王佃音宙由是虞后所忌漸見踈薄明帝即位封見安君別

立第宅太寧元年帝迎還臺內供奉隆元及成帝立尊同
於太后咸康元年薨詔曰朕少遭憫慈訓稟撫育之勤建
安君之仁也一旦薨歿實思報復永懷平昔感痛哀摧其
贈豫章郡君別立廟于京都

明帝庾皇后

晉中興書曰明穆皇后庾氏諱文君左將軍琛第三女也
后少以珪璋特異今儀淑美故中宗為肅祖納焉初為世
子妃仁和有禮深見敬重后生顯宗成皇帝顯宗即位尊
后曰皇后群臣奏天子幼冲宜依漢和熹皇后故事后辭

讓數四不得已遂臨朝攝萬機蘇峻作逆王師敗績后以
憂逼崩時年三十三

成恭杜皇后

晉書曰成恭杜皇后諱峻陽鎮南將軍預之曾孫也成帝
以后奕世名德成康二年備禮拜為后后少有姿色然長
猶無齒有來求昏者輒中上及納絲之日一夜齒尽生七
年三月崩年二十一后在位六年無子先是三娛女子相
手箝曰花望之如素捺傳言天公織女死為之著服至是
而后崩

康帝諸皇后

晉中興書曰康獻皇后褚氏字蘇子太傅褒之女也后聰
明有器識以名家女子入為琅琊王妃生孝宗穆皇帝孝
宗即位尊后曰皇太后泰元元年太后詔曰皇帝婚冠禮
備遐爾宅心宜當陽親覽緝熙惟始今歸政事率由舊典
於是復稱宗德太后九年崩于顯陽殿

簡文鄭皇后

晉中興書曰簡文宣太后鄭氏諱阿春荊陽人先適田氏
生一男夫又亡后依如舅吳氏中宗為丞相敬后先崩將

納吳氏女為夫人后及吳氏女並遊後園有見之者於中
宗曰鄭氏女雖黷居矣於吳氏遠矣遂以儻色納為夫人
甚有寵后雖貴幸而有恒愛色中宗問其故對曰妾有妹
中者適長沙王褒餘二妹未出恐姊既為人妾無復求者
中宗從容謂劉隗曰鄭氏有二妹卿可求佳對使不失舊
隗逢其從子慵娶第三者以小者適中李氏皆得舊門帝
稱尊號后雖為夫人詔太子及東海武陵王皆母事之帝
崩后稱建平園夫人咸和元年薨

孝武李太后

晉書曰孝武李太后諱陵容本出微賤始簡文帝為會稽
王有二子麻黹早夭其後諸姬絕孕將十年帝令卜者扈
謙筮之曰後房中有一女當育二貴男其一終盛晉室乃
令善相者召諸愛妾而示之皆云非其人又悉以諸婢媵
示焉時后為宮人在織房中形長而色黑白人皆謂之崑
崙既至相者驚云此其人也帝以計大召之侍寢后數夢
兩龍枕膝日月入懷帝聞異焉生孝武帝

王皇后

晉書曰孝武定皇后王氏字法惠寧康三年中軍將軍桓


冲侍中臣康奏晋陵太守王蕴女天性柔顺惠心塞渊儀
度既同四業允備且盛德之胃美善先積忝議可以配德
乾元恭承宗庙真進六宫母義天下故烈宗納焉后性嗜
酒驕妬帝深患之乃召蕴於東堂具說后過状令加訓誠
蕴免冠謝焉后於是少自改飾太元五年崩

安帝陳太后

晉中興書曰安德太后陳氏淞滋人也諱歸女父廣以倡
進仕致平昌太守后以美色能歌彈入宮初為淑媛生安
恭二帝太元十五年薨贈夫人追崇曰皇太后

恭帝褚皇后

晉書曰恭思褚皇后諱灵媛河南陽翟人義興太守爽之
女也后初為琅琊王妃元熙元年立為皇后生海鹽富陽
公主及帝禪位于宋降為零陵王妃元嘉十三年崩祔葬
冲平陵



太平御覽卷第一百三十八

